

1960 yilda tugʻilgan. Filologiya fanlari doktori, professor.

1987 yilda Andijon Davlat tillar pedagogika institutini tamomlagan. Olimning "Ruhii dunyo tahlili", "Istiqlol dardi", "Adabiyotshunoslikka kirish", "Cholpon nasri poetikasi", "Adabiyot nadir?", "Gʻarb adabiy tanqidiy tafakkuri tarixi ocherklari" (hammualliflikda), "Adabiy jarayonda mom sindromi", "Adabiyotshunoslik luʻgati" (hammualliflikda) kabi kitoblari nashr etilgan.

ZAVQIMDAN BIR SHINGIL...

Taniqli adib Ahmad A'zamning ijodiy izlanishlari kaminani hamisha, nima desam ekan, hayratga solib, aniqroʻgi, shoshirib kelgan. Munday qarasang, yozganlari oddiy narsalar-u, nimasidir biz konikkan narsalarga oxshamaydigandek, onggimizda muqimlashgan nazariy qoidalarga koʻpam mos kelmaydigandek tuyulaveradi. Hozir, yozuvchining "Hali hayot bor" kitobini oʻqib turib, shu tuygʻu yana yangilandi...

(...adashmasam, bu tuygʻu dastlab "Odamning olasi" hikoyasini oʻqish asnosida paydo boʻlgandi, shekilli. Sababi, unda mazmun yangicha edi: oddiy bir odamning oddiy bir kuni, qahramoni ham gʻalatiroqmi-ey... maqtayin desang, biz maqtab oʻrgangan qahramonlarning haqi ketib qoladi, yomonlay desang – buning. Hammadan ham uning oʻsha choʻgʻlar biz asiri boʻlib yurgan sevgi haqida aytganlari: avval xop gʻashingga tegadi-yu, kitobiy-stereotip qarashlaringni birdan parchalab yuborganini sezmay qolasan... bir kulging, bir yiʻglaging keladi. Oylab qarasam, oʻshanda, Sherqozining gaplarini beixtiyor "oʻgil boʻlib" eshitganman, choʻgi: *"He, sodda bolam! Xotin deb oʻlib-tirilib pul yiʻgʻasan, tushirib ham olasan. Toydan keyin uch-tort hafta, chillang chiqquncha yashinmachoq oynab, quvlashib ham yurasan. Keyin... boshlanadi – rozgʻorning unisi kam, bunisi kam. Bir vaqt qarabsanki, sevgi degani donga qongan chumchuqdek pir-r etib uchib ketibdi..."* Qiziq, hozir "Odamning olasi"ga bugunning nazari bilan qaray olmayapman, harchand urinmay, oʻttiz yil naridagi taassurot bosib ketayotgandek... afsuski, oʻsha taassurot endi yaxlit emas, parchalanib ketgan – uni oʻrtoqlashish imkondan tashqarida. Iloj qancha, boshqacha aytolmaganim bois "yozuvchining mahorati shundaki, oʻquvchi tasvirlanayotgan voqeaga befarq qaray olmaydi, beixtiyor uning

ishtirokchisiga aylanadi” qabilidagi navbatchi, navbatchi bolsayam rost gaplar bilan cheklanaman, ma'zur tuting.

...yodingizdadir, 80-yillarning oxirlarida ko'p qatori Ahmad A'zam ham g'oyat faollashdi: “Bu kunning davomi”, “Asqarto'g' tomonlarda”, “O'zim bilan o'zim” – bari shuning mahsuli. Shu o'rinda muhim bir nuqtani ayri-ayri ta'kidlamog' kerak: ko'pchilikdan farqli, Ahmad A'zamda publisistiklik emas, tahliliy nigoh kuchaydi va u jamiyatda mavjud holat mohiyatiga qaratildi. Muhimi – turli rakurslardan: “Bu kunning davomi”da o'quvchi ismsiz qahramon – U(n)ga chetdan nazar soldi, “Asqarto'g' tomonlarda”da voqelikni Mahdining nigohi orqali kuzatdi, nihoyat, “O'zim bilan o'zim”da beixtiyor “men” mavqeidan turib qaray boshladi. Ya'ni, yozuvchi g'oyo “tom ustiga tom bosib” boradi: qalamga olingan ijtimoiy dardga o'quvchini bosqichma-bosqich yaqinlashtirib, o'ziga sezdirmaygina shaxsiy dardiga aylantiradi.

Balki, aytganlarimdan “nuqtai nazar bilan bog'liq mazkur usullar atayin, muayyan maqsadni ko'zlab qo'llangan, bu esa yozuvchining mahoratidan darak”, degan fikr kelib chiqar. Albatta, shunday deyishga asos etarli. Lekin men buni mahoratdan ko'ra boshqa narsaga – samimiyatga yoygan bo'lardim. Zero, bu asarlar, ulardagi obrazlar yozuvchi fikrlarini ifodalash uchun illyustrasiya emas, yo'q, uning uchun shularni yaratish jarayonining o'zi – izlanish, mohiyatga yaqinlashishdir. Ayni shu narsa – yozuvchining ijod onlaridagi ma'naviy-ruhiy izlanishlari jarayon sifatida aks ettiriladi, natijada, o'quvchi saboq oluvchi emas, balki izlanishlarning bevosita ishtirokchisiga aylanadi – ikki ortada hamfikrlik, hamdardlik asosidagi samimiy muloqot, kongil oshnoligi yuzaga keladi. Darvoqe, ushbu asarlar yaratilgan 80-yillarning ado'gi fikr ahli uchun chinakam ma'naviy-ruhiy izlanishlar davri edi. Hammasidan ham qandaydir besh-olti yil davomida tafakkurimizda yuz bergan o'zgarishlar shiddatini ayting! Nazarimda, Ahmad A'zam shu uchala asarda o'zgarishlar shiddati va mohiyatini muhrlab qo'yishga ulgurandek:

birinchisida, U: *“bunday yashab bo'lmaydi”* degan qarorga keladi;

ikkinchisida, Mahdi: *“odam bir narsani tubdan oylab olsa-yu, hech narsani o'zgartirmasa, yana shunday yashayversa... Yo'q, mumkin emas”*, deya ertadan harakat boshlashga cho'g'lanadi;

uchinchisida esa, o'zgarishni o'zidan boshlagan: *“konglini xuddi uy kotargandek”* sarishta qilib, *“konglimning tubidan shunaqa tuyg'ularim topilayotirki!.. Shunchalar badavlat ekanimni o'zim bilmay, qashshoq-benavo yuravergan ekanman”*, deya hayron turgan, endi, o'zini dunyoni kongliga muvofiq o'zgartirishga qodir his qilayotgan odamni ko'ramiz... Ehtimol, joiz emas ko'rinar, shunday bo'lsa ham aytgim keldi: mazkur fikrlar Ahmad A'zam asarlari e'lon qilinishi bilan peshma-pesh o'qilganda tug'ilgan. O'shanda, “Bu kun... va uning

davomi” nomli bir maqola yozgan va unda *uchala asarda aslida bir odamning ijtimoiy tafakkurda shiddatli oʻzgarishlar kechgan qisqa bir davrdagi ma'naviy-ruhiy tadriji kuzatilgan*, degan fikrni otkazishga harakat qilgandim. U payt taassurotlarim hali ohorli boʻlganigami yo qahramonlarning ma'naviy-ruhiy izlanishlari konglinga yot emasligigami, hartugul, nazdimda, durustgina maqola chiqqan va yuqoridagi fikr etarli asoslangandek edi. Lekin, tahiriyatlar fikri oʻzgacharoq boʻldi, choʻgi, umid bilan jonatgan qoʻlyozmalar bedarak ketdi, aksiga olib, oʻzimda nusxasi saqlanmagan... “Yoʻqolgan pichoqning sopi oltin”, deydilar, shundanmi, osha maqolam hanuz juda boʻlakcha yozilgandek tuyulaveradi-da...)

...endi, ohorli taassurotlarga kelsak. “Hali hayot bor” qissasini oqirkan beixtiyor Gogol ning “Revizor”i yodga keladi. Unda ham hamma gap bitta voqea – nashriyotning oddiy bir xodimi A'lamning markazqoʻmdan yoʻqlanishi atrofida aylanadi. Shu birgina voqea va osha voqeaga nashriyot xodimlarining munosabati... “Axir, qissa degani bunday boʻlmasdi-da! – beixtiyor nazariy bisotimni titkilay boshlayman. – Qissada bir-biriga boʻgʻliq voqealar zanjirdek tizilguchi... bu voqealarning bari asosiy qahramon bilan boʻgʻliq... ular osha qahramon xarakterini ochib berishga xizmat qilguchi... ya'ni, qissadagi voqealar vosita, pirovard maqsad qahramon boʻlguchi edi...” Xullas, nazariy qoidalardan kelib chiqsak, bu qissa emasdek. Lekin... maza qilib oʻqiganingni ham inkor qilolmaysan-da, odam! E-e, shu, adabiyotshunos degan noming bor, oʻrganib qolarkan odam, maza qilib oʻqiganingni bir yon surib, yoʻl izlayverasan ekan: Hikoyami? Qissami?.. Yana, haqiqatdan uzoqroq boʻlsayam ehtimoli yoʻq emas, ertami-indin: “Qissa degani mundoq boʻlur...”, deya hijjalab tushuntirganingda, biron talabaning: “Falon qissa-chi?” deb qolishi ham bor...

(Fahmlagandirsiz, hanuz tanqidiy asarni keng omma oʻqiydi deb oʻylab yurganimdan boʻlsa kerak, bularni: “Olimona gaplar kimgayam kerak, asar haqidagi gapingni ayta qoʻymaysanmi?!” degan e'tiroz daf'iga, uzrxohlik maqsadida aytayotirman.)

...holat shundayki, janrni belgilab olish chindan ham zarur ekan. Fikrimcha, “Hali hayot bor” asari – qissaning nasrimizdagi yangi bir koʻrinishi, unda hikoya va dramaga xos poetik xususiyatlar uyğunlashgani holda qissa problematikasi etakchilik qiladi. Hikoyadagi kabi unda bitta voqea qalamga olingan, voqea oʻz holicha estetik qimmat kasb etadi (ya'ni, qissadan farq qilaroq, voqea qahramonga nisbatan vosita emas). Dramadagi kabi unda bitta voqea – A'lamning markazqoʻmdan yoʻqlanishi dramatik konfliktli holatni yuzaga keltiradi: barcha personajlarning xatti-harakatlari shu bilan boʻgʻliq, voqeaning izchil rivojidan kora, u yuzaga keltirgan holat muhimroq. Ya'ni voqeaning izchil rivoji emas, holatning ichki rivoji ustuvor. Shunga kora, syujet epizodlar – dramadagi kabi almashinib turuvchi koʻrinishlardan tarkib topgan. Har bir koʻrinishda muayyan personajlar

ishtirok etadi, ularning qiyofasi dramatik holat bilan bevosita boʻgʻliq holda ochilib boradi. Toʻgʻri, ushbu epizodlarni qahramon – A'lam bilan boʻgʻliq syujet chiziği birlashtiradi. Biroq, garchi syujet oʻzagini tashkil qilsa-da, A'lam chiziği gʻoyat ixcham: hovlisida komir tashiyotganida xabarchi boradi – ishga kelib nima gapligini aniqlaydi – ariza berib ishdan ketadi. Ya'ni, asar strukturasi bu chiziqning yordamchi funksiyada ekani atayin ta'kidlangandek. Holbuki, mabodo badiiy niyat ijrosida, muallif konsepsiyasini ifodalashda shu chiziq dominantlik qilganida, nazariy qoidalarga to'la muvofiq hikoya yaratilgan bo'lar edi. Niyat esa boshqa, ya'ni, butun boshli bir jamoa – jamiyatning bir halqasi qiyofasini, ma'naviy qiyofasini chizish, xuddi shu narsa asarni hikoya janri doirasidan chiqaradi. Zero, asar qahramoni A'lam deganimiz bilan, u faqat struktura nuqtai nazaridagina ushbu mavqeni egallagan, konsepsiya nuqtai nazaridan esa JAMOA qahramon bo'lib chiqadi. Ayni shu jihatlar “Hali hayot bor”ni qissaning oʻziga xos yangi bir koʻrinishi deyishimizga asos beradi.

Aslida-ku, qissa asosida oddiygina voqea yotadi, hayotda bunga oʻxshash voqealarga koʻplab duch kelinadi va keyincha, shunchaki latifa misoli eslab, kulib yuriladi. Deylik, agar nashriyot rahbariga sim qoqqan Gulimoh Yulduzovna: “Kamolov A'lam hali ham sizda ishlayaptimi?” deb soʻragan mahal, stolidagi boshqa telefon jiringlab qolmaganida (shunday boʻlishi mumkin va tabiiy, axir, balki unga ham yuqoridan sim qoqishgandir, balki uyidan, balki boshqa – ahamiyati yoʻq), nashriyot ari uyasidek toʻzib ketmagan, qissada oʻqiganimiz mashmashalar ham yoʻq edi. Mantiqan qaraganda, Gulimoh Yulduzovna muddaosini aytmasdan: “Keyin gaplashamiz!” deya goshakni qoʻygan ekan, bunchalik havotirga oʻrin boʻlmasligi kerak edi. Biroq, qissada tasvirlangan muhit (davr) shundayki, undan doim ham mantiqqa rostlikni izlash befoya. Zero, bu muhitda “yuqori – hammavaqt haq”, u quyidagilarni xohlagan koʻyga solishi mumkin. Quyi: “oʻynashmagin arbob bilan...” naqlini dasturulamal biladi, yuqori qarshisida “qol boʻgʻlab” turish odat, mutelik hammaning qon-qoniga singib ketgan. Shu bois ham nashriyot direktori uchun yoʻqlov tabiiy hol emas, shorlik: “bir ishi bordir, soʻragandir, hali aytar”, deb qoʻyaqolishga ojiz, kaltakning bir uchi oʻziga tegishidan xavotirda. Ajablanishga hech oʻrin yoʻq: mute inson oʻzini hamisha aybdor his qiladi (istalgan vaqtda aybdor qilinishi mumkin-da), chunki u yuqori qarshisida goyo onadan tuʻgilgandek bir alpozda – ishtonsiz, choʻpdan hadik olib yashashga majbur. Shu jihatdan qaralsa, direktor va ozmi-kopmi “mas'ul”ligi bor boshqa xodimlarning oʻzlarini muhofaza qilishga qaratilgan (va bizga notabiiy koʻringan) harakatlari ular uchun tabiiy zarurat boʻlib chiqadi. Demak, shu holni keltirib chiqargan muhitning oʻzi noraso. Afsus, nashriyot (muhit)da hamma shunga koʻngan: birlari koʻngangina emas, mavjud holat va undagi oʻz oʻrnini saqlab qolish uchun andishani bir chetga surib qoʻyib, jon-jahdi bilan tirishadi; boshqa birlari loqayd tomoshabin boʻlib turadi. Ta'kidlash joiz, yozuvchi personajlarning xatti-

harakatlari, gap-sözlerini chetdan turib, goyo betaraf tasvirlasa-da, ularning ruhiyati oquvchi kóz oldida shaffof holda namoyon bo'ladi. Shu bois ham yozuvchining aytishi shart emas, oquvchi: *“bunday yashab bo'lmaydi, bunday yashash insonlik sha'niga noravo!”* degan fikrni uqib olaveradi. Sirasi, bu Ahmad A'zamga xos mahorat qirrasasi... (Darvoqe, birgina odam, konglida erkinlik tuygusi o'lmagan A'lamgina mavjud ahvolga ko'nmaydi – ariza yozib ishdan ketadi. To'g'ri, bu *qahramonlik* emas, muhimi, yozuvchi ham buni qahramonlik deya talqin qilish fikridan yiroq. Zero, haqiqatda bu o'zini inson o'laroq his etgan, tiriklik ma'nosi tirikchilikgina emasligini anglagan kishi borki qilishga burchli harakatdir. Fikrimcha, qissa qahramonining orqa planda qoldirilishi ham shu fikrni ta'kidlashga xizmat qiladi) ... aytmasdanoq ifodalash mahorati.

“Qatağon yili” hikoyasini o'qib: “A'lamning harakati qahramonlik emas”, deya hukm chiqarganda, biroz shoshmadimmikan, degan andisha tuğiladi kishida. Hikoyani o'qirkan, beixtiyor yaqin otmishdagi “paxta kompaniya”lari esga keladi: qulf osilgan idorayu muassasa eshiklaridagi “hamma paxtada” yozuvlari... yopilgan bozorlar... toxtatib qoyilgan avtobus yo'lovchilarining “yo'l haqi” uchun paxtazorga yoyilishi... shanba-bozor kunlaridagi kochalarni toldirgan avtobus karvonlari... – aytib nima qildik, bular kopchilikning yodida hali. Xullas, 1982 yil noyabr oyidagi zarbdor kunlardan biri, “Dalalarda yakkam-dukkam birchigit qolgan, sovxoz oktyabr oyi ortalarida planni dondirib bajargan-u, elu yurt hali-hamon shu bajariqni toldirolmay jon-halak, bo'l-ha-bo'l hiqildoqqa kelgan”. Asablar tarang, buning ustiga kech kuz izğirini achitib turgan bir payt oilasi bilan uyiga –

Toshkentga qaytish uchun ulov poylab turgan hikoyachi bilan milisioner ortasidagi dahanaki jangi qalamga olingan hikoyada, shu xolos.

Yuqoridan “odamlar yurmasin kochada” degan topshiriq berilgan – hamma paxta hosili uchun kurashishi shart! Yaxshi eslaysiz: shoro davrida “plan”dan keyin “majburiyat” degani bo'lardi. Oshanda “majburiyat” deb yuravergan ekanmiz-u, sozning mohiyatga naqadar mosligiga e'tibor qilmas ekanmizmi-ey?! Chindanam “majburiyat” degani koproq turli darajadagi “byuro” va “shtab”lardagi doq-popisalar, raisu birgatlarning zuğumlari, melisaning haybati bilan bajarilmasmidi?!. Yo har qadamda ilingan qizil matodagi shiorlar, radio-televideniedan yangragan chorlovlar shunchalar kuchli... Hay, mayli, bu boshqa masala. Xullas, melisaga “odamlarning kochada emas, dalada bo'lishi”ni ta'minlash yuklatilgan. Shorlik quyushqondan chiqilayotganini biladi, lekin o'ziga yuklatilgan vazifani sozsiz bajaradi: “Endi... ishimiz shu-da. Bajar, desa – bajaramiz. Topshiriq qattiq”. Munday qarasang, melisa yuqorining topshiriğini oğishmay bajaradi, paxta siyosati hammaga teng deya barchadan itoat talab qiladi, dağdağalari qorqqulik; odamlar ham uning talabini bajarayotgandek, ayni choğda, u bilan sichqon-mushuk oynayotgan misoli evini qilib tirikchilik yumushiga ham unaydilar. Sirasi, Said

bovo “eshonbovomizning ullari” bilan korishishga jahd qilmaganida, oz navbatida, “tavarrik odamning bolasi” ham cholning gapiga kulmay qo'yaqolsa, olam guliston edi – hayotning “sichqon-mushuk” o'yiniga monand oqimi davom etaverardi. Lekin bunday bo'lmadi: Said bovo niyatidan qaytmadi, hikoyachimiz esa kulib yubordi-da! Xuddi shu nuqtada melisa yigitning bitta qiyofasi ko'z oldimizda mukammal suratlanadi:

“ Bu erda men ruxsat bersam kulasiz!”

Koryapsizmi, qarshimizda, endi, shunchaki bir milisiya noziri emas, balki naq hokimi mutlaq turibdi: qo'yib bersang: “Men ruxsat bersam nafas olasan!” deyishdan ham toymaydigan alpozi bor. Shoro zamoni haqida gapira turib “mustabid tuzum-mustabid tuzum” deya noliymiz-u, asli tuzum degani shunchaki mavhumot ekanligini ko'pda oylamaymiz. Holbuki, mustabid tuzum ham men, sen va u – bizdan tashkil topadi. Unda yashagan har birimiz qay darajada mute bo'lsak, shu darajada mustabid ham edik, zero, mutelik bilan mustabidlik bir-birini taqozo etuvchi egizak tushunchalardir. Qarang, melisa yigit markaziy gazeta muxbiri (ya'ni, oz tushunchasida yuqorining vakili) bilan gaplashayotganini anglashi bilanoq, vujudidagi mustabid izsiz yo'qoldi: “*Boshdan shuni aytmysizmi?*” deya ozini oqlashga, uzrxohlik qilishga o'tadi. Ana endi uning dodini tinglang: “*Mana, kechagi bozor, qor urib turibdi. Odamlar insofing bormi, kartishka-partishka olib olaylik, bir soatgina och, deb chuvvos yopishishdi menga. Qor-ku, e-rtalab bo'lsa, shu havoda kim ham dalaga chiqardi, debman. Mayli, yarim soat muhlat, bozorlaringizni qilib olinglar, lekin xafachilik yo'q, dedim.*” Ha, melisa yigit bir lahzagina hamqishloqlariga yuqorining vakili ekanligini unutilib munosabatda bo'ldi va... baloga qoldi: “*Odamlar endi darvozadan kirib, savdoni boshlagan edi, babillab qora “Volga” kepqoldi. Odamlarga hech narsa degani yo'q. Menga qarab: “Onayni falon sani! Sanga shapka kiydirganni onasini!” deb ke-etdi!..*” Endigina hammani bir o'giz “ruxsat” deyishiga mahtal qilib turgan melisa yigitni bu qadar to'zitib sokayotgan raykom buva bo'ladilar. Kim bilsin, bundan sal ilgariroq boshqa birovi, deylik, paxta topshirish grafigi bajarilmagani uchun uning-da onasini aybdor qilganmi? Ehtimoli aslo yo'q emas, zero, mustabid tuzumda “musht ketdi” qoidasi amal qiladi: quyi po'gonadagi shorlik avval “Enangni qozi...” deya alamini yutadi, song... ozidan quyidagiga sochadi. Eh-he, qur'gur alam sochgan bilan tugay qolsaykan, kongilga toshday chokavergani yomon. Melisa yigitning alami hali yangi, kongli hanuz yig'lab turibdi: “*Mayli, shu odamlarni deb sokish eshitaman*” deya ozini ovutmoqqa harakat qiladi, lekin: “*birontasi, ey inson, soksang, ozini sok, onasida nima ayb, demagani botib ketadi*”. Keyin hamqishloqlaridan gina qilishga haqqi yoqligini his qilib, alami bir bahya ko'tariladi: “*E-e, bechoralarga nima ham deyman, hammamiz shunday*”. Qarang, melisa yigit xorlik korgach, ozini hamqishloqlari bilan bitta qayiqda his qiladi,

lekin konglida yilt etgan isyon uchqunini darhol sondirib, o'zini shu qismatga ko'nishga cho'g'laydi: *“Ketvoray desam – ish bu, tirikchilik degan narsa bor. He, mayli-da, biz bir kichkina odam, melisalikni ham qilish kerak, baribir. Betni qalin qilib yuribmiz-da...”* Mana, ko'z oldimizda melisa yigitning ikkinchi qiyofasi ham suratlandi: u ham boshqalar kabi mute bir odam... (boya “har birimiz qay darajada mute bo'lsak, shu darajada mustabid ham edik”, degandim, shu fikrga yana qaytgim keldi. Mojaro murosaga dongach, hikoyachi “halidan beri konglini bosgan bir g'ashlik, o'jar bir gunohkorlik tuyg'usi” haqida so'zlaydi, guvohnomasini korsatganiga uyalib ketganini aytadi. To'g'ri, hikoyachi o'zini himoya qildi, lekin bunga guvohnomani korsatib, melisa yigitga uning o'zi kabi, ya'ni, mustabidalarga xos muomala qilibgina erishdi. Konglini noxush kayfiyat chulg'agani, uyat hissi, aslida, shundan emasmi?!) Endi, yuqoridagi andishaga kelsak, tan olaqolay, “A'lamning harakati qahramonlik emas”, deganim xato: o'sha sharoitda ham ichki erkinligini saqlab, insonlik sha'nini baland tutib yashashning o'zi qahramonlik bo'lmasdan nima, axir?!.

Mashg'ulotlarda, singadigan davralarda bir qarashda oddiygina hayotiy holatda hikmat ko'rishu mohiyatiga teran nazar solgan holda unga badiiy-falsafiy qimmat ba'g'ishlash Ahmad A'zam ijodiy manerasiga xosligini ta'kidlab kelaman. Yangi kitobini o'qib, bir jihat nazarimdan chetda qolganini sezdim. Men yozuvchi xayoloti bilan bo'g'liq, chamasi, “O'zim bilan o'zim”da nish bergan va, keyincha, ikkita shox chiqarib rivojlangan jihatni nazarda tutaman. Bu shoxlarning biri – liriklik, ya'ni, voqelikni tasvirlash emas, munosabat ifodalashning oldingi planga chiqishi... (Ha-ya, “O'zim bilan o'zim” e'lon qilingan paytlar shapaloqday bir narsa yozib, uning lirik asar ekanligini isbotlashga uringan, o'zimni yangi gap aytolgan sanab, quvonib yurganim bor. U paytlari rus adabiyotidan dars berganimgami yo rus tilida yozish urf bo'lganigami, maqolani ruscha yozib: Жанровое своеобразие поэмы А.Агзама “Наедине с самим собой” deb atabman. Nomni qarang! Davomini yozmasa ham bo'laveradigandek edi-yov...) Kitobga novella deb kiritilgan “Gul kotarib ketayotgan erkak”da xuddi shunday: unda epik asarga xos voqeabandlik, baski, hikoyachi yo'q, unda ko'zi tushib turgan holatni mushohada etayotgan muallif – lirik sub'ekt bor, ya'ni, u mohiyatan lirik asar. Shoxlarning ikkinchisi – xayolda yaralgan voqeaning qalamga olinishi: “Soyasini yo'qotgan odam”, “Noto'g'ri tush” hikoyalarida shunday. Albatta, ular shunchaki xayolot mahsuli emas, balki shu voqelik ta'sirida, u haqdagi oy-qarashlarni, O'zni ifodalash vositasi o'laroq yaratilgandir. Ahmad A'zam yangi kitobi muqovasiga: “Kop ishni qilib ko'rdim, turli yumushga qo'l urdim. Lekin hech biri yozishga, yozish beradigan mashaqqatli zavqqa teng kelmaydi...” degan izhorini yozdirib qo'yibdi. Haqiqatan ham kitobga yozuvchi, nazarimizda, adabiy jarayondan biroz chetlashib qolgandek, “turli yumushga qo'l urib” yurgan vaqtlari yozilgan asarlari kiritilibdi. Muallif “yozish beradigan zavq” haqida aytibdi, illo, o'qish beradigan zavq ham

bundan kam emas. Shuni oylab, kitobga kirgan asarlarning ayrimlariga, shunda ham muxtasar toxtaldim – oqib oladigan zavqingiz ozingizniki bolsin, dedim-da.